



Rheinländer

Se sin glich eruhs uhs dä Andere zo finge,
mer kennt se am Laache, mer kennt se am Singe,
mer kennt se direck, wenn mer se spreche se höht,
mer kennt am Humor se, am golde Gemöt.
Mer kennt se vun siebzig schon her als Zaldat,
nie han se jet Halves, nur Ganzes gemaht.
Jitz en der Champagne, em gräßlichste Spill,
se stunte parat gäge sechsmol su vill.
Mer sin inne dankbar - se han et bezwunge,
uns tapfre, uns kölsche, uns rheinische Junge.